




U.S. FOOD & DRUG
ADMINISTRATION

Medikaman ak Gwosès

Gwoses kapab yon tan ki tre enteresan. Men, tan sa ka fe ou santi ou pa alez si ou pa konnen kijan medikaman ou yo pral afekte tibebe ou. Se pa tout medikaman ki bon pou w pran lè ou ansent. Menm medikaman pou maltèt ak doule kapab yon danje pou pran le ou ansent.



Biwo Sante Fanm nan FDA
(FDA Office of Women's Health)
www.fda.gov/pregnancy

Men 4 konsèy pou ede ou aprann plis sou kijan medikaman preskripsyon ak medikaman vant lib kapab afekte ou ak bebe ou:


Poze Kesyon



Toujou pale ak doktè, enfimyè, oswa famasyen ou avan ou kòmanse pran nenpòt medikaman, fèy, oswa vitamin. Piga ou sispann pran medikaman ou si se pa pwofesyonèl swen sante ou ki di ou mèt fè sa.

Poze kesyon sa yo:

- Èske m ap bezwen chanje medikaman mwen si mwen vle ansent?
- Kijan medikaman sa yo kapab afekte bebe mwen an?
- Ki medikaman ak fèy mwen sipoze evite?
- Èske m ap bezwen pran plis oswa mwens medikaman mwen?
- Ki kalite vitamin mwen sipoze pran?
- Èske m ap kapab kontinye pran medikaman sa a si mwen kòmanse bay tete?



Li etikèt la

Tcheke etikèt dwog la ak lòt enfòmasyon ki vini ak medikaman ou pou aprann risk ki kapab genyen pou fanm ki ansent oswa ap bay tete.

Etiket la di ou sa yo konnen de kijan medikaman an kapab afekte fanm ki ansent. Pwofesyonel swen sante ou ka ede deside si ou ta dwe pran medikaman.

Medikaman ak Gwosès

Itilize Entelijans Sou Entènèt



Mande doktè, enfimyè, oswa famasye n ou de enfòmasyon ou jwenn sou entènèt la.

Kèk sit entenet di ou kapab pran sèten medikaman pandan ou ansent, men fòk ou tcheke ak pwofesyonèl swen sante ou avan. Kò chak fanm diferan. Li kapab pa bon pou ou.

- Piga ou fè yon pwodwi konfyans paske yo di li “natirèl.”
- Tcheke ak pwofesyonèl swen sante ou avan ou itilize yon pwodwi ou tande moun ap diskite sou sal chat oswa gwoup nan entènèt.

Di si ou Gen Pwoblèm



Premyèman, di pwofesyonèl swen sante ou nenpòt pwoblèm ou genyen ak medikaman ou. Epitou, di FDA nenpòt gwo pwoblèm ou gen apre ou pran yon medikaman.

- Rele **1-800-FDA-1088** pou yo voye yon fòm pou di pwoblèm ou genyen pa lapòs.
- Di pwoblèm ou genyen sou entènèt: www.fda.gov/MedWatch/report

Enskri Pou Yon Rejis Gwosès

Rejis Enfòmasyon Sou Gwosès ak Medikaman yo se etid rechèch ki pran enfòmasyon fanm ansent ki pran medikaman preskripsyon oswa vaksen pandan yo ansent. Rejis gwosès yo ede fanm yo ak doktè yo aprann plis sou kijan yo kapab itilize medikaman yo san danje pandan yo ansent.

- Ede lot fanm ansent nan pataje eksperyans ou ak medikaman.
- Nou pap mande w pran nenpot nouvo medikaman.
- Wap bay enfòmasyon sou sante ou ak sante bebe ou.

FDA pa jere rejis gwosès yo, men li kenbe yon lis ak plizyè rejis.

Gade pou wè si gen yon rejis pou medikaman ou a nan: www.fda.gov/pregnancyregistries

Biwo Sante Fanm nan FDA (FDA Office of Women's Health)

www.fda.gov/pregnancy